

# community

The New Apostolic Church around the world

04/2024/AM



## Ամենասուրբ հասկատր

Խմբագրական  
Հիսուսը սովորեցնում է  
աղոթել

Ժամերգություն  
Կյանքը կառուցել ամուր  
հիմքի վրա

Վարդապետություն  
Ննջեցյալների էությունը  
Պետրոսի ծառայությունը

New Apostolic Church  
International



# Հիսուսն աղոթել է սովորեցնում

Այս տարի մենք նորից անդրադառնալու ենք հատկապես աղոթքին: Մենք ունենք այս նշանաբանը՝ „Աղոթելը գործում է,“:

Աշակերտները մի անգամ հարցնում են Հիսուսին՝ „Ինչպե՞ս պետք է աղոթենք, որ այն գործի,“: Նա բացատրում է նրանց, թե նրանք ինչպես պետք է աղոթեն, և նրանց սովորեցնում է „Հայր մերը,“: Այս, աղոթքը, որը գալիս է Հիսուս Քրիստոսից, մեզ համար շարունակում է ժամ կարևոր: Որպեսզի այն գործի, մենք պետք է բառերը հասկանանք: Մենք պետք է այնպես աղոթենք, ինչպես Հիսուսը սովորեցրել է մեզ: Մենք այն պետք է Հիսուս Քրիստոսի մտածելակերպով աղոթենք, այսինքն՝ ասենք ոչ միայն բառերը, որոնք սովորեցրել է Հիսուս Քրիստոսը, այլ այդ բառերով աղոթենք Հիսուսի մտածողությամբ: Մենք աղոթում ենք Աստծուն մեր Հորը, ասելով՝ Թող քո կամքը լինի: Աղոթքն իսկապես արտասովոր է, քանի որ մենք հավատում ենք և գիտենք, որ Աստված ամենագոր է:

Աստված ամենագոր է, նա միշտ անում է հենց այն, ինչն ուզում է: Այսինքն՝ մենք կարիք չունենք աղոթելու, որ սիրելի Աստված անի այն, ինչ ուզում է: Նա միշտ անում է այն, ինչ ուզում է, նա ամենագոր է: Մենք չենք աղոթում, որ Աստված իր կամքը



Լուսանկարը՝ Միջազգային Նորասարելակված եկեղեցի

կարողանա կատարել, այլ աղոթում ենք, որ մենք կատարենք Աստծո կամքը:

Յուրաքանչյուր մարդ պետք է ինքը որոշի՝ Ես կատարում եմ Աստծո կամքը, թե՛ իմ կամքը: Սա է աղոթքի իմաստը: Մենք չենք աղոթում Աստված, արա այն, ինչ դու ես ուզում, այլ մենք աղոթում ենք՝ Թույլ տուր կատարեմ քո կամքը:

Սրտանց ողջույններով՝

Ձեր՝ Ժան-Լյուք Շնայդեր



# Կյանքը կառուցել ամուր հիմքի վրա



Լուսավարները Յոնա Եփեմյանի, Բերնարդ Չոլեմերի



Հուլիս 20

Սիրելիներս, դուք ձեր  
կյանքը կառուցեք  
ամենասուրբ հավատի վրա  
և աղոթեք Սուրբ Հոգով:

Սիրելի քույր-եղբայրներ, Հոգեգալստյանը միայն Սուրբ Հոգով լցվելը չէ, որ տեղի է ունենում: Այն սկիզբն է նաև Սուրբ Հոգու ուժով առաքյալների գործունեության: Այդ ուժով Պողոսը տեղեկացնում էր Ավետարանը: Նա քարոզում էր, որ Հիսուս Քրիստոսը Մեսիան է՝ ուղարկված Աստծո կողմից, մեզ համար զոհաբերված, հարություն առած և երկինք համբարձված: Հիսուսը տեղեկացնում էր նաև, որ նա նորից է գալու և փրկելու է նրանց, ովքեր հավատում են իրեն, մկրտված են և ընդունել են Սուրբ Հոգու շնորհները: Այսպես կարող ենք ամփոփել Հոգեգալստյան քարոզը, որը Սուրբ Հոգու ուժով առաքյալի առաջին քարոզն է:

Ինչպես լսեցինք աստվածաշնչյան ընթերցումից / Գործք 2,36-43/ , այն ժամանակ երեք հազար մարդ էր այդ քարոզին հավատացել և մկրտվել: Առաջին համայնքները հաստատուն մնացին առաքյալների ուսմունքի և Ավետարանի տեղեկացման մեջ: Ժամանակի հետ հայտնվեցին

սխալ ուսմունք տարածողներ, որոնց տարածած ուսմունքը չէր համապատասխանում առաքյալների ուսմունքին: Այդ ժամանակ առաքյալներն ու մյուս պատասխանատուները, ինչպես Հուդան, ստիպված էին ասել՝ Մի լսեք նրանց, հաստատուն մնացեք առաքյալների ուսմունքի մեջ, մնացեք Ավետարանին հավատարիմ: Բավարար չէ միայն հավատարիմ մնալը, դուք պետք է ձեր կյանքը կառուցեք հավատի վրա, այսինքն՝ ձեր կյանքը պետք է ձևավորեք Ավետարանի և առաքյալների ուսմունքի համաձայն: Այսօր դա մեզ համար նույնքան կարևոր է: Այսօր ևս կան սխալ ուսմունք տարածողներ: Սուրբ Հոգու շնորհների միջոցով, որոնք մենք ընդունել ենք, ի վիճակի ենք տարբերելու ոգիներին, ճանաչելու սխալ ուսուցանողներին և խուսափելու դրանցից: Սուրբ Հոգին օգնում է մեզ դրանում՝ քարոզի, մեր հոգին ինսամողների և աղոթքի միջոցով:

Այստեղ Հուդան գրում է, որ բավարար չէ առաքյալների ուսմունքին հավատալը, մենք պետք է մեր կյանքը դրա վրա կառուցենք: Սա շատ կոնկրետ նշանակում է, որ Ավետարանը, առաքյալների ուսմունքը պետք է որոշիչ լինեն մեր առօրյա կյանքի որոշումներում: Վտանգը մեծ է, որ հավատը միայն տեսականորեն կմնա: Մենք նորառաքելական ենք, հավատում ենք Ավետարանին և առաքյալների ուսմունքին: Բսկապես, մենք անում ենք այն, ինչ ուզում ենք: Դա վտանգավոր է մեր փրկության համար: Դրա համար էլ Սուրբ Հոգին մեզ ասում է՝ ուշադիր եղեք, բավարար չէ միայն հավատալը, այլ այդ հավատը պետք է ինչ-որ բան առաջ բերի: Եթե դա այլևս այդպես չէ, ապա դրա համար կարող են տարբեր պատճառներ լինել: Ես ցանկանում եմ դրանից երկուսը նշել՝ կարող են հիասթափված լինել, քանի որ այն բանին, ինչին հավատացել են, այնպես չի ստացվել և ամեն ինչ այլ կերպ է եղել: Կամ անվստահ են դարձել, քանի որ երևույթները փոխվել են, և այլ բաներ են քարոզվում: Հարց են տալիս իրենց՝ եթե դա այլևս ճիշտ չէ, ապա ինչու պետք է մնացածը ճիշտ լինի: Դա ֆենոմեն է, որը ես ընդունում եմ: Որոշ քույր-եղբայրներ անվստահ են դառնում, երբ ամրագրում են, որ առաջ ինչ-որ բան էր ուսուցանվում, իսկ հիմա այլ է:

Այսօրվա համար պատգամը Հուդան ներկայացնում է այս կետով՝ կառուցեք ձեր կյանքը ձեր ամենասուրբ հավատի վրա: Մենք պետք է հիմնվենք սուրբ հավատի վրա: Սուրբ հավատն այն է, որն անմիջապես

բխում է Հայր Աստծուց, Սուրբ Հոգուց և Հիսուս Քրիստոսից: Ինչու՞ եմ ես սա ասում: Քանի որ մեր անհատական հավատը բազմազան է: Այն ամենից առաջ հիմնվում է Աստվածաշնչի, Ավետարանի, առաքյալների ուսմունքի վրա՝ աստվածաշնչյան իմաստով, ոչ թե այսօրվա քարոզի, այլ բանի վրա, թե ինչպես են այն ժամանակվա առաքյալները Ավետարանը քարոզել և գրի առել: Սա է մեր հավատի բազիսը: Սրան մի բան էլ է ավելանում՝ ամենից առաջ մեր դաստիարակությունը: Մեզնից շատերը դաստիարակվել են նորառաքելական ուսմունքի համաձայն, մեր ծնողները, նախնիները, սպասավորները մեզ տվել են խորհուրդներ և ցուցումներ, թե ինչպես պետք է վերաբերել գոհաբերությանը, որպեսզի օրհնվեն, ինչպես պետք է վերաբերել աղոթքին, որ օրհնվեն, ինչպես պետք է իրենց պահեն: Սամիամբողջական շարք է, որոնք մենք ստանում ենք մեր դաստիարակության միջոցով:

## Ձեր կյանքը կառուցեք ամենասուրբ հավատի վրա

Հետո մենք հասունանում ենք ու մեծանում, ձեռք ենք բերում փորձառություններ և ամրագրում, որ, եթե երևույթներն այս ձևով ենք ընդունում և այդ ճանապարհով գնում, ապա սիրելի Աստված պատասխանում է և օգնում: Սա շատ գեղեցիկ բան է, հարստություն է: Դրանից բացի, մեր հավատը հիմնվում է այն բազմաթիվ քարոզների վրա, որոնք մենք լսել ենք այս բոլոր տասնամյակների ընթացքում: Դրանց շարքին է պատկանում նաև աստվածաշնչյան խոսքերի ու դրվագների ընթերցումները, որոնք մեզ հարազատ են, որոնք պարզապես մեզ են պատկանում: Այն պատմությունները, որոնք մենք լսել ենք, կազմում են մեր հավատի մասերը, և դա ևս շատ գեղեցիկ է: Դա պատկանում է մեր հավատի շտեմարանին:

Ի վերջո դրան են պատկանում այս խոսքերը՝ Մի անհանգստացիր, դու կառողջանաս, սիրելի Աստված կօգնի: Կարելի է շատ պատմել այն մասին, թե ինչքան հաճախ են այդպիսի խոսքեր ասվում: Այրել ենք այն պահերը, երբ առաքյալը կամ քարոզիչը ասել են բաներ, որոնք կատարվել են մեզ հետ: Մենք հավատացել ենք և աղոթել, և սիրելի Աստված օգնել է: Սա է մեր հավատի ողջ կառույցը: Սակայն, այն չի հավասարեցվում ամենասուրբ հավատին, քանի որ այն ամենին, որ գալիս է Աստծուց, խառնվում է այն, ինչը գալիս է մարդուց: Ես ամենին չեմ ուզում դա արժեզրկել, դա շատ արժեքավոր է, բայց պետք է ամրագրել, որ դա ոչ ամենուր և ոչ բոլորի համար է արժեքավոր: Դա



ինքներս ենք նկատում: Հինգ անգամ մենք անում ենք նույն ձևով և ստացվում է, բայց վեցերորդ անգամ չի ստացվում: Ինչու: Ինչ-որ բան են խոստանում մեզ, մենք հավատում ենք դրան, մենք աղոթում ենք, ամեն ինչ անում ենք, ինչ մեզ ասում են, բայց խոստացվածը չի կատարվում: Որոշ երկրներում երևույթներն այսպես են, մյուսներում՝ այլ կերպ: Սակայն, Աստծո խոսքը միշտ և ամենուր արժեքավոր է: Այստեղ Հուդան մեզ խորհուրդ է տալիս, որ կենտրոնանանք ամենասուրբ հավատի վրա, այն բանի վրա, ինչը գալիս է Աստծուց, և ինչը քեզ և Աստծո ամբողջ ժողովրդի համար միշտ և ամենուր արժեքավոր է, այն է՝ Ավետարանը, Հիսուս Քրիստոսի ուսմունքը, որը քարոզվում է առաքյալների կողմից:

Մեր հավատի այս հիմնական բաղադրիչները ամփոփվում են մեր հավատամքում, հավատամքի տասը դրույթներում: Դա հանդիսանում է մեր սուրբ հավատը: Մենք հավատում ենք Աստծուն ամենագոր Արարչին: Նրա համար անհնար ոչինչ չկա, նա անում է հենց այն, ինչը նրա կամքն է: Մենք հավատում ենք Հիսուս Քրիստոսին: Մենք հավատում ենք, որ նա ուղարկվել է, հավատում ենք նրա մահվանը, նրա հարությանը, նրա երկինք համբարձվելուն, նրա գալստյանը և նրա ուսմունքին: Նա Աստծուն այնպես է բացահայտում, ինչպիսին որ նա կա՝ Աստված սեր է, նա ուզում է

մարդկանց փրկությունը: Դրան ենք հավատում մենք: Մենք հավատում ենք Սուրբ Հոգուն, որի միջոցով Աստված ներկա է երկրի վրա: Չենք կարող նրան տեսնել, բայց կարող ենք նրա ներգործությունը հասկանալ:

Մենք հավատում ենք հավիտենական կյանքին: Փրկությունը, որը Աստված մեզ տալիս է, դա մարդկանց հավիտենական միասնությունն է Աստծո հետ: Մենք կարող ենք դրան հասնել որպես առաջնեկներ, և արդեն Քրիստոսի գալստյան ժամանակ հասնել փրկության և հավիտենական կյանքի խաղաղության թագավորությունում:

Հետո բոլոր մարդիկ, ովքեր կփրկվեն, կապրեն նոր արարչագործությունում Աստծո հետ հավիտենական միասնության մեջ: Իսկ մենք հավատում ենք, որ մենք կարիք ունենք Քրիստոսի եկեղեցու, որպեսզի հասնենք այդ փրկությանը: Դա անխուսափելի է: Մենք կարիք ունենք եկեղեցական խորհուրդների, մենք կարիք ունենք Հիսուս Քրիստոսի կողմից ուղարկված առաքյալների, և կարիք ունենք պաշտոնների, որոնք ընտրված են Աստծո կողմից և կազմում են առաքյալների լիազորության մասը: Դա մեր ամենասուրբ հավատն է: Դրանում վերջին տարիներին ընդհանրապես ոչինչ չի փոխվել: Այն վավերական է ամբողջ աշխարհում Աֆրիկայում, Ամերիկայում, ամենուր:

## Աստված սեր է, նա ուզում է մարդկանց փրկությունը





Եկեք մեր կյանքը այս հիմքի վրա կառուցենք: Եկեք հավատը, որի բաղադրիչները կրճատեցի մինչև հինգը, համապատասխանեցնենք մեր առօրյա կյանքի որոշումներին: Ի՞նչ է դա նշանակում: Առաջինը, որ Հիսուս Քրիստոսի խոսքն ինձ համար միշտ ավելի շատ կշիռ ունենա, քան այն, ինչ մարդիկ ասում են ինձ: Ես վստահում եմ Աստծո ամենագործողանն ու սիրուն, ինչ էլ որ լինի: Եթե խոսքը սրա մասին է, ապա առօրյա կյանքում շատ արագ կոնկրետ որոշումներ պետք է կայացնել:

Հավիտենական կյանքի հանդեպ հավատն ունենում է այն հետևանքը, որ Աստծո հետ հավիտենական կյանքը նրա արքայությունում ինձ համար ամենակարևորն է դառնում: Այն միշտ առաջնայնություն ունի: Մակայն, արդեն այսօր ես ուզում եմ Հիսուսի մոտ և հետ լինել, նրա հետ միասնություն ունենալ: Դա է վճռում իմ կյանքում կայացվող որոշումները:

Եթե ես հավատում եմ Հիսուսին, ապա ինձ համար որպես հետևանք շատ կարևոր է Աստծո և մերձավորի հանդեպ սիրո պատվիրանին հետևելը:

Ես դա հաճախ եմ ասել, բայց դա շատ կարևոր է՝ Աստծուն սիրելը նշանակում է, որ ես ամեն ինչ, որ անում եմ Աստծո համար, նրա հանդեպ սիրուց ելնելով եմ անում, ոչ թե՛ հաշվենկատորեն: Ես անդրադառնում եմ բարի խորհուրդներին, որոնք տրվել են մեզ: Այդ ամենը լիովին կարգին է: Երբեմն ես փոքր խնդիր եմ ունենում այն փաստում, որ դրա հետևում կրկին մի քիչ հաշվենկատություն եմ նկատում՝ օրինակ, եթե դու սա անես, ապա սիրելի Աստված քեզ դա կտա: Բայց, դա սեր չէ: Մենք պետք է աճենք սիրո մեջ և սիրենք այնպես, ինչպես սիրել է Հիսուս Քրիստոսը՝ առանց հաշվենկատության: Երբ մենք սիրելի Աստծո համար ինչ-որ բան ենք անում, պահում ենք նրա պատվիրանները, ծառայում ենք նրան, ապա միայն մի պատճառով՝ որովհետև նա մեզ սիրում է, որովհետև նա մեզ այնքան շատ է տալիս, մեզ այնքան շատ է տվել և մեզ այնքան շատ է տալու: Այդ սերը պետք է վճռի մեր կայացրած որոշումները: Այստեղ դեռ բարելավման տեղ:

Ես հստակ սիրում եմ իմ մերձավորին: Նաև մերձավորի հանդեպ սերը պետք է շատ կոնկրետ վճռի առօրյա կյանքում կայացրած մեր որոշումները:



Շրջանային առաքյալ Էդի Իսնուգրոնո

Շրջանային առաքյալներ ձախից աջ՝ Ռայներ Շթորք, Կուկուբա Սոկո, Միխայել Դեփիներ, Փեթեր Շուլթե և Միխայել Էրիշ



Շրջանային առաքյալ Էնրիքվե Մինիո

Երբեմն այդ սերը լինում է միայն տեսական՝ շատ խոսքեր, բայց, ցավոք, քիչ գործեր: Աֆրիկայում այս առումով կա մի գեղեցիկ պատմություն

Մի հոգևորական հարցնում է մի տղամարդու՝, Դու իսկապես սիրո՞ւմ ես քո մերձավորին,,: „Իհարկե,- պատասխանում է տղամարդը: Այսինքն՝, եթե դու երկու տուն ունենաս, մեկ տունը կտա՞ս մի աղքատի,,: „Այո, ես սիրում եմ իմ մերձավորին,,: „ Եթե դու երկու ավտոմեքենա ունենաս, մեկը կտա՞ս մի աղքատի,,: „Այո, իհարկե, չէ՞ որ ես սիրում եմ իմ մերձավորին,,: Երբ հոգևորականը տղամարդուն հարցնում է՝,Եթե երկու վերարկու ունենաս, մեկը կտա՞ս մի աղքատի,,: Պատասխանն այնպես է հնչում՝ „Ոչ,,: „Ինչու՞ ոչ,-հարցնում է հոգևորականը: Տղամարդը պատասխանում է՝, որովհետև ես արդեն երկու վերարկու ունեմ,,:

Մի փոքրիկ պատմություն Աֆրիկայից, բայց շատ բան ասող: Այս առումով ավելին ես չեմ ցանկանում ասել: Ես խնդրում եմ ձեզ- և ներառում եմ նաև ինձ- սա պարզապես ընդունե՞ք խոսքեր, սակայն նաև շատ կոնկրետ գործեր: Ամենասուրբ հավատին է պատկանում այն, որ մենք հավատում ենք, որ Հիսուսը մեզնից սպասում է այն, որ սիրենք Աստծուն ամեն ինչի վեր, և սիրենք մերձավորին այնպես,

ինչպես ինքներս՝ մեզ: Սա պետք է կոնկրետ գործ դառնա:

Մի վերջին կետ՝ մենք հավատում ենք, որ փրկության հասնելու համար եկեղեցին, առաքյալների ծառայությունը, եկեղեցական խորհուրդները, պաշտոններն անխուսափելի են: Քույրեր և եղբայրներ, մենք պետք է մեկընդմիջտ



Գլխավոր առաքյալ Ժան-Լյուք Շնայդերը Հոգեգալստյան ժամերգության ժամանակ Լյուցեռնում/ Շվեյցարիա/



որոշում կայացնենք, որ եկեղեցին ամենից առաջ մեր փրկության համար է: Իհարկե, առկա է նաև նյութական գործոնը՝ շինարարություն, կազմակերպություն, տարբեր միջոցառումներ: Այդ ամենը կարգին է և կարևոր: Բայց, եթե մենք պատկանում ենք այդ եկեղեցուն, գնում ենք ժամերգությունների և կազմում ենք համայնքի մի մասը, ապա ամենից առաջ նրա համար, որ դա անհրաժեշտ է մեր փրկության համար: Մնացած ամեն ինչ պարզապես երկրորդական է: Երկրորդական բաների վրա բարկանալը չպետք է հանգեցնի նրան, որ ես դադարեմ այլևս եկեղեցի գալ: Եկեղեցին ինչ-որ կազմակերպություն չէ կամ մի գեղեցիկ միություն: Այն ինձ տրվել է Աստծո կողմից, որպեսզի ես կարողանամ փրկվել: Դա է մեր հավատը, այդ պետք է մենք պահենք: Այդ հավատը պետք է վճռի մեր որոշումները: Եկեք հավատամքը դարձնենք մեր հավատի ամենասուրբ մասը: Մնացած ամենը գեղեցիկ է, կարևոր և արժեքավոր: Սակայն դա չպետք է հավասարեցնել ամենասուրբ հավատին: Սրա վրա մենք պետք է կենտրոնանանք:

Միբերի Աստված այս հարցում օգնում է մեզ և դրա համար գեղեցիկ միջոց է մեր ձեռքը տալիս՝ աղոթքը: Այստեղ գրված է՝ ...և աղոթեք Սուրբ Հոգով: Ինչու: Քանի որ դա փոխկապակցված է՝ որպեսզի այս մեկն անենք, մենք պետք է նաև մյուսն անենք: Այստեղ

սիրելի Աստված օգնում է մեզ, եթե մենք նրան աղոթում ենք Սուրբ Հոգով, կենտրոնանում ենք ամենասուրբ հավատի վրա և կառուցում: Ամենագոր Աստվածն է, սիրո Աստվածն է, որ ամենից առաջ ուզում է մեր փրկությունը: Եթե մենք աղոթում ենք նրան, Սուրբ Հոգին մեզ ասում է՝ մի մոռացիր, թե ինչ է քեզ համար Աստված արել, ինչ է քեզ համար անում, ինչ է քեզ համար անելու: Դրանով շատ բան արված կլինի: Սուրբ Հոգին ասում է մեզ, որ մենք պետք է կենտրոնանանք հավիտենական կյանքի վրա: Երբ մենք Սուրբ Հոգով ենք աղոթում, մեր աղոթքը բովանդակում է ամենից առաջ հետևյալը՝ սիրելի Աստված, ուժեղացրու իմ հավատը, օգնիր անհավատիս, ուժեղացրու իմ սերը քո հանդեպ, ուժեղացրու իմ սերը մերձավորի հանդեպ:

Մենք աղոթում ենք մեր մերձավորի համար ամենից առաջ հանուն նրա փրկության սիրելի Աստված, օգնիր գործիք լինելու քո ձեռքին, որպեսզի ես կարողանամ օժանդակել մարդկանց փրկությանը: Մենք սիրելի Աստծուն չենք գրում, թե նա ինչ պետք է անի մեր մերձավորի համար, բայց մենք խնդրում ենք նրան, որ նրան օգնի՝ հասնելու փրկության: Վերջին խնդրանքը, որ մենք Սուրբ Հոգով ներշնչված ասում ենք Աստծուն, այսպես է հնչում՝ Տեր, շուտ արի: Սա է այսօրվա պատգամը: Մենք պետք է մեր հավատի հիմնական բաղադրիչների վրա կենտրոնանանք: Դրանք պետք է որոշեն մեր կյանքը և մեր որոշումները: Աստծո մոտ օգնություն ենք գտնում նրանով, որ աղոթում ենք Սուրբ Հոգով: Կարո՞ղ եմ մի ցանկություն արտահայտել: Լավ կլիներ, որ հաջորդ ժամերգությունների ժամանակ ծառայողները այս մտքերը մեկ անգամ ևս արձանագրեին և շարունակեին մշակել, անգամ, եթե դրանք գրված չեն „Հիմնական մտքերում„: Ես շատ կուզեմայի, որ այս պատգամը իսկապես ներգործեր:

## Հիմնական մտքեր

- Առաքյալները քարոզում են Ավետարանը Սուրբ Հոգու ուժով:
- Մենք հավատում ենք նրանց ուսմունքին և մեր կյանքը կառուցում ենք դրան
- Առաջնորդվելով Սուրբ Հոգով, մենք գովաբանում ենք Աստծուն, խնդրում ենք նրա ողորմածությունը, բարեխոսում ենք եկեղեցու համար և աղաչում ենք Տիրոջ գալուստը:



# Ժամերգությունն գլխավոր առաքյալի հետ Հայաստանում



Լուսանկարները Հայաստանի ԱՄՆ



Գլխավոր առաքյալ Ժան-Լյուք Շնայդերը ծառայում է Հայտնությունից վերցրված աստվածաշնչյան խոսքով



Ժամերգության ընթացքում

Հուլիսի 19-ին մեր գլխավոր առաքյալ Ժան-Լյուք Շնայդերը այցելեց Հայաստան: Դա գլխավոր առաքյալի երկրորդ այցն էր, առաջին այցը եղել էր 2015 թվականի օգոստոսի վերջին: Դրանից հետո սկսվում է Կորոնայի ճգնաժամը և սահմանափակումների պատճառով ոչ մի այց տեղի չի ունենում, դրա համար էլ այս այցին Հայաստանի նորառաքելական եկեղեցու հավատացյալ քույր-եղբայրները երկար և անհամբերությամբ էին սպասում: Գլխավոր առաքյալի յուրաքանչյուր այց մեծ օրհնություն է ոչ միայն հավատացյալ քույր-եղբայրների, այլ ամբողջ երկրի համար: Գլխավոր

առաքյալին ուղեկցում էին շրջանային առաքյալ Շթեֆան Փյոշելը, առաքյալ Ռենե Ֆոլլմաննը, առաքյալ Վասիլիո Կոնեն Ռուսինիայից և շրջանային առաքյալ Յուրգ Յեհնդենը Շվեյցարիայից:

Նախապես մեր հոգևոր սպասավորների այցի այլ պլան կար մշակված, բայց տեխնիկական պատճառներով ամեն ինչ փոխվեց և գլխավոր առաքյալի Հայաստանում փառաօրերը կրճատվեցին: Խնդիրը կայանում էր նրանում, որ այցից մի քանի շաբաթ առաջ Լոռու մարզում ավերիչ ջրհեղեղ տեղի ունեցավ, և այն հյուրանոցի առաջին հարկը, որտեղ պլանավորված էր գլխավոր առաքյալի փառք, ամբողջովին փասցել էր ջրի տակ: Իհարկե, դա չիսանգարեց տպավորիչ ժամերգություն տոնելուն: Վանաձոր քաղաքի „Մարսել“, մեծ ու լուսավոր տոնական սրահում անցկացվեց ժամերգությունը: Հայաստանի ութ համայնքների ավելի քան երեք հարյուր քույր-եղբայրներ հավաքվել էին այդ սրահում: Նրանք մեծ ուշադրությամբ վայելեցին գլխավոր առաքյալի, շրջանային առաքյալներ Շթեֆան Փյոշելի և Յուրգ Յեհնդենի քարոզները: Ի դեպ, մեր նորանշանակ շրջանային առաքյալ Շթեֆան Փյոշելն առաջին անգամ էր Հայաստանում:

Մեր գլխավոր առաքյալը մասնակիցներին ծառայեց Աստվածաշնչի Հայտնության 22,20-ում գրված

Սպասավորների սենյակում ժամերգությունից առաջ



Զոհասեղանի մոտ ծառայում է շրջանային առաքյալ Շթեֆան Փյոշելը



Զոհասեղանի մոտ ծառայում է շրջանային առաքյալ Յուրգ Յրինդենը Շվեյցարիայից



Երևանի համայնքի կանանց երգչախումբը կատարեց շատ երգեր, այդ թվում նաև՝ հայկական ֆոլկլորային երգեր

խոսքով՝ „ Ով այս մասին վկայեց, ասաց՝ „ Ես գալիս եմ շուտով,,: Ամեն: Եկ, Տեր Հիսուս Քրիստոս,,:

Գլխավոր առաքյալի քարոզը այնքան բովանդակալից և հասկանալի էր, որ հավատացյալ քույր-եղբայրները մինչև վերջ մեծ հետաքրքրությամբ լսեցին: Գլխավոր առաքյալ Ժան-Լյուք Շնայդերը շեշտեց, որ մենք իսկապես դժվար ժամանակներ ենք ապրում և կան շատ վտանգներ, որոնք կարող են թուլացնել հավատը: Ուստի, մենք պետք է անպայման ամուր պահենք հավատը Հիսուս Քրիստոսի, նրա գալստյան հանդեպ: Շատերն այնպես են մտածում, որ ժամանակն անցնում է, բայց նա դեռ չի գալիս, դրա համար էլ սկսում են կասկածել: Բայց մենք պետք է համբերատար լինենք, քանի որ մեր սիրելի երկնային Հայրը մեզ հնարավորություն է տալիս լավ նախապատրաստվելու նրա գալստյանը և որքան հնարավոր է կատարյալ դառնալու: Պարզ է, որ ոչ մի մարդ ի վիճակի չէ պահանջված կատարելության հասնել: „ Դրա համար էլ մենք պետք է ամեն ինչ անենք, որ արժանանք ողորմածության, որն անխուսափելի է մեր փրկության համար: Վերջում Հիսուսն ինքը կչափի մարդկանց սիրո

հասունությունը Աստծո և մերձավորի հանդեպ: Միաժամանակ Հիսուսը չի սպասելու իր գալուստն իրականացնելու համար, մինչև բոլորը պատրաստ լինեն դրան: Քո առաջադրանքն է մնացած ժամանակը քո նախապատրաստության համար օգտագործելը,- այսպես հորդորեց գլխավոր առաքյալը հավաքված հավատացյալներին: Քարոզում գլխավոր առաքյալը հիշեցրեց այն մասին, որ միայն Աստված գիտի գալստյան ժամանակը, իսկ այդ ժամանակը կախված չէ նրանից, թե ինչ է տեղի ունենում երկրի վրա: „ Աստված չպետք է ապասի, որ աշխարհում կամ եկեղեցում փոփոխություն լինի, որպեսզի ուղարկի իր Որդուն: Միայն նա ինքն է որոշում ժամանակը,,: Աստված ուզում է փրկել բոլոր մարդկանց: Դրա համար Հիսուսը դառնում է յուրաքանչյուր հավատացյալի առանձին և դրանով ցույց է տալիս, որ նրան սիրում է այնպես, ինչպիսին որ նա կա: „ Նա քեզ ոչ մոռացել է , ոչ էլ՝ մերժել: Նա ցանկանում է, որ դու հավերժ նրա մոտ լինես,,: Դրա համար էլ մենք պետք է մեր կյանքը Հիսուս Քրիստոսի Ավետարանի համաձայն ձևավորենք և ամեն ինչ անենք ոչ միայն մեր փրկության, այլ նաև մերձավորի փրկության համար: Մա շատ





Սուրբ Հաղորդություն ննջեցյալների համար՝ եպիսկոպոս Ռաֆայել Մովսեսյանը և ավետարանիչ Նարեկ Խանվելյանը ընդունում են նշխարները որպես ննջեցյալների ներկայացուցիչներ

Վանաձորի համայնքից մի պատանի երաժշտական մի հատված է կատարում դուդուկով հայկական ավանդական սրինգով



Աղջիկների երգչախումբը Գյումրիի համայնքից

**ամբողջ սրտով, ամբողջ հոգով և ամբողջ մտքով: Դու պետք է սիրես քո մերձավորին, ինչպես ինքդ՝ քեզ,:**

Համայնքի հետ Սուրբ Հաղորդությունը տոնելուն զուգահեռ գլխավոր առաքյալը Սուրբ Հաղորդությունը տոնեց նաև ննջեցյալների համար: Մահացածների համար նշխարներն ընդունեցին եպիսկոպոս Ռաֆայել Մովսեսյանն ու ավետարանիչ Նարեկ Խանվելյանը:

Վերջում պատանիներից մեկը դուդուկով նվագեց երաժշտական մի հատված:

կարևոր է մեր հավատի նպատակին հասնելու համար: „ Մենք հավատում ենք նրա գալստյանը, համբերատար սպասում ենք դրան և ակտիվորեն նախապատրաստվում ենք դրան,,- այսպիսին էին գլխավոր առաքյալի ամփոփիչ խոսքերը:

Ժամերգության հիմնական մտքերը մեկնաբանեցին շրջանային առաքյալներ Շթեֆան Փյոշելը և Յուրգ Յբինդենը: Հետաքրքիր օրինակներով սպասավոր եղբայրները շեշտեցին Հիսուս Քրիստոսի գալստյանը նախապատրաստվելու կարևորությունը: Նրանք քարոզում անդրադարձան նաև աստվածային սիրուն Աստված սեր է, նա սիրում է բոլոր մարդկանց, նրա ցանկությունն է, որ բոլոր մարդիկ փրկվեն: Մենք բոլորս պետք է այդ սիրուն համապատասխան արձագանք տանք, Աստծո խոսքը կիրառենք, սիրո երկու պատվիրանները պահենք „ **Դու պետք է Տիրոջը քո Աստծուն սիրես**

Ժամերգության ժամանակ համայնքը երգում էր դաշնամուրի ուղեկցությամբ: Երևանի համայնքի կանանց երգչախումբը ներկայացրեց շատ երգեր, այդ թվում նաև հայկական: Նրանց պրոֆեսիոնալ կատարումները դուր եկան մեր հարգելի հյուրերին, բոլոր ունկնդիրներին:

Մեր գլխավոր առաքյալ Ժան-Լյուք Շնայդերը շնորհակալություն հայտնեց ոչ միայն գեղեցիկ երաժշտության համար, այլ նաև բոլոր քույր-եղբայրների ներկայության համար: Հրաժեշտի պահին բոլորը ծափահարեցին գլխավոր առաքյալին և նրան ուղեկցողներին: Հայաստանի Նորառաքելական եկեղեցու հավատացյալ քույր-եղբայրների համար դա իսկապես մի առաձնահատուկ օր էր:

Երեկոյան գլխավոր առաքյալն իր ուղեկիցների հետ ճանապարհվեց դեպի Վրաստան, որպեսզի Թբիլիսիում ևս մեկ ժամերգություն տոնի:

## ԴԱՎԻԹԸ ՆՎԱԳՈՒՄ Է ՍԱՎՈՒՂԻ ՀԱՄԱՐ

ԸՍՏ ԹԱԳԱՎՈՐՈՒԹՅՈՒՆՆԵՐ 16-20-Ի


Սավուղ թագավորը մեղք էր գործել: Նա նկատում է, որ Աստված այլևս իր կողքին չէ: Աստված մի նոր թագավոր էր փնտրում: Սավուղը վախենում է և վատ տրամադրվում: Նրա ծառաները փնտրում են մեկին, ով կարողանա տավիղ նվագել, որպեսզի քաջալերի թագավորին: Ինչ որ մեկը նրանց պատմում է Դավիթի մասին, և այսպես Դավիթը գալիս է թագավորի պալատ:

Ամեն անգամ, երբ Սավուղ թագավորը վատ տրամադրություն է ունենում, Դավիթը նրա համար տավիղ է նվագում ու քաջալերում նրան: Թագավորին Դավիթը դուր է գալիս: Ապա Դավիթը հաղթում է հսկա Գողիաթին: Սավուղ

թագավորը խանդում է և նախանձում Դավթին, քանի որ նա լավ մարտիկ էր, իսկ իսրայելացիներն ասում են „, Սավուղը հազարին է սպանում, իսկ Դավիթը՝ տասը հազարի,„: Դավիթը նոր հերոս էր և մարդիկ նրա ավելի էին սիրում, քան թագավորին: Բացի այդ, Աստված Դավթին էր ընտրել որպես Սավուղի հետնորդ:







Սավուղն ավելի էր բարկանում, և մի օր չարությամբ լի մի սուր է նետում Դավթի վրա: Երկու անգամ Դավիթը խույս է տալիս սրից: Սակայն Սավուղն ուզում էր սպանել Դավթին: Ջոնաթանը՝ Սավուղի որդին, Դավթի համար խոսում է իր հոր հետ՝ „Նա միշտ կռվել է քեզ համար, նա հաղթել է հսկա Գողիաթին, նա երբեք քեզ ոչինչ չի արել, ինչու՞ ես ուզում անմեղին սպանել,,: Սավուղը խոստանում իր որդուն, որ Դավթին ոչինչ չի անի: Դավիթը նորից է հաղթանակով գալիս ճակատամարտից: Տեղի է ունենում այն, որ թագավորը մոռանում է իր խոստումը և նորից սուր է նետում Դավթի վրա այն ժամանակ, երբ նա նվազում էր իր համար: Դավիթը կարողանում է խույս տալ, սուրը խրվում է պատի մեջ:

Այդ նույն գիշեր Դավիթը փախչում է:



# ԱՅՑԵԼՈՒԹՅՈՒՆ ՄԱԿԱՖՈՒՆ՝ ԱՔՐԱՅՈՒՄ / ԳԱՆԱ/

Բարի գալուստ Արևմտյան Աֆրիկա: Այստեղ՝ Գանայում, շատ երեխաներ անվանվում են շաբաթվա այն օրվա անունով, որ օրը ծնվել են: Օրինակ, Աֆու անվանվում է աղջիկը, ով ծնվել է ուրբաթ օրը: Իմ անունը Մահաֆուի է: Իմ անունը չի ծագել իմ ծննդյան օրվա անունից, այլ նշանակում է „ Ես ուզում եմ Աստծուն գովաբանել,“:



Այլոց թվում ես Աստծուն գովաբանում եմ երաժշտությամբ: Ես ջութակ եմ նվագում, եկեղեցու նվագախմբում եմ նվագում:

Գանայում տասը բնակիչներից մոտավորապես յոթը քրիստոնյա է: Մենք լուսանկարվել ենք մեր եկեղեցու առաջ մեր համայնքի մի քանի քույր-եղբայրների հետ միասին:



Մեզ մոտ բոլոր ինը տարեկան դարձած երեխաները պետք է գնան դպրոց: Ով դրանից հետո ցանկանա ուսումը շարունակել, պետք է ուսման համար վճարի: Բայց Գանայում յուրաքանչյուր երրորդ երեխան չի կարողանում դպրոց գնալ: Հյուսիսի գյուղերում շատ քիչ դպրոցներ կան, մեծ քաղաքներում շատ երեխաներ ապրում են փողոցներում, մյուսներն էլ ստիպված աշխատում են և օգնում ընտանիքին: Ես հաճախում եմ քրիստոնեական դպրոց և կիրակնօրյա դպրոց:

Ֆուտբոլը մեզ մոտ մեծ դեր ունի: Ես էլ եմ խաղում ֆուտբոլ, բարեբախտաբար ես կարողանում եմ միշտ խաղալ իմ եղբայրներից մեկի հետ: Եթե ես դրսում չեմ լինում, խաղում եմ համակարգչային խաղեր:





Իմ ընտանիքը՝ այստեղ իմ մայր Գիֆթին է, իմ հայր Դավիթը, իմ եղբայրներ Սելասեն /15/ և Էիրանը/13/ են ու ես: Ես տասնմեկ տարեկան եմ: Իմ ծնողներն աշխատում են որպես վարչական ադմինիստրատոր և գործադիր տնօրեն:



Մենք ապրում ենք Աքրայում, այն մեր երկրի ամենամեծ քաղաքն ու միաժամանակ մայրաքաղաքն է: Աքրան գտնվում է հենց ծովի ափին:



Գանացիները մեծամասամբ ուտում են տաք ուտեստներ, նաև նախաճաշին: Իմ սիրելի ուտեստը խոզի մսով կոտլետն է՝ սառեցրած յամի արմատներով: Այն մեզ մոտ տանը ժամանակ առ ժամանակ լինում է:



Գանան անկախացավ 1957 թվականին: Առաջին նախագահի անունը Կվամե Նկրումահ էր: Աքրա քաղաքի կենտրոնում նրա անունով զբոսայգի է հիմնվել: Նա այդտեղ է թաղված, և նրա հիշատակին հուշարձան կա կառուցված: Անկախության օրը մեծ տոնակատարությամբ է նշվում: Շուտով կնշվի այդ տոնը մարտի 6-ին:

# Մտքեր ննջեցյալների էության վերաբերյալ

Ինչպիսի՞ն է անդրշիրիմյան աշխարհի մարդկանց իրավիճակը: Ի՞նչ փրկություն է առաջարկվում ննջեցյալներին, ե՞րբ և ինչպե՞ս: Նորառաքելական հավատից բխող պատասխանները տալիս է գլխավոր առաքյալի այս շրջաբերականը:

Մուրբ Հոգին գործում է այսօրվա առաքյալների մրջոցով նույն ձևով: Համաձայն այն առաջադրանքի, որը նրանք ստացել են իրենց ուղարկողից, նրանք բոլոր մարդկանց տեղեկացնում են, որ Աստված իրենց փրկությունն է ուզում, և, որ նա միակ ճանապարհն է դրան հասնելու համար, դրա համար պետք է Հիսուս Քրիստոսին հավատալ և հետևել: Այն բանից հետո, երբ Հիսուսը հաղթեց մահին, տվեց փրկության պատգամը ինչպես ողջերի, այնպես էլ մահացածների համար / Պետրոս Ա 4,6/:

Մուրբ Հոգին գործում է այսօրվա առաքյալների մրջոցով նույն ձևով: Համաձայն այն առաջադրանքի, որը նրանք ստացել են իրենց ուղարկողից, նրանք բոլոր մարդկանց տեղեկացնում են, որ Աստված իրենց փրկությունն է ուզում, և, որ նա միակ ճանապարհն է դրան հասնելու համար, դրա համար պետք է Հիսուս Քրիստոսին հավատալ և հետևել: Այն բանից հետո, երբ Հիսուսը հաղթեց մահին, տվեց փրկության պատգամը ինչպես ողջերի, այնպես էլ մահացածների համար / Պետրոս Ա 4,6/:

## Անդրշիրիմյան աշխարհի մարդը

Մահվան ժամանակ հոգին և ոգին թողնում են մարդու մարմինը, որպեսզի անդրշիրիմյան աշխարհ հասնեն: Մարմինը անցողիկ է, բայց մահացածի անձնականությունը մնում է: Մենք հավատում ենք, և սա նորառաքելական հավատի առանձնահատկություններից մեկն է, որ ննջեցյալները պահպանում են իրենց որոշման ազատությունը նրանք կարող են ազատ որոշում կայացնել հանուն կամ ընդդեմ Հիսուս Քրիստոսի:

Անդրշիրիմյան աշխարհի մարդու իրավիճակը կախված է Հիսուս Քրիստոսից հեռու կամ նրան մոտ գտնվելուց, մյուս կողմից էլ մեղքի մասշտաբից, որը նա կրում է, իսկ դա միայն Աստված կարող է չափել:

Որպեսզի խոսվի այդ տարբեր իրավիճակների մասին, Աստվածաշունչն օգտագործում է տարբեր պատկերներ: Պետոսի Ա-ի 3,19-ում խոսքը գնում է անհնազանդ ոգիների մասին, որոնք գտնվում են „բանտում„: Հիսուսն ասում էր, որ Հոր տանը տարբեր „բնակարաններ„ կան / Հովհաննես 14,2/: Այս առիթով մենք խոսում ենք անդրշիրիմյան աշխարհի տարբեր „ուղորտների„ մասին: „Բանտ„ հասկացությունը, որն այս կապակցությամբ հաճախ է նշվում, բառացի չպետք է հասկանալ: Պատկերը վերաբերում է այն իրողությանը, որ այդ ննջեցյալները մնում են մեղքի գերին և դրանից էլ ի վիճակի չեն լինում Աստծուն մոտենալ: Նմանապես „բնակարաններ„ կամ „ուղորտներ„ հասկացությունները չեն նշանակում այն, որ Աստված բոլոր մահացածներին նույն „պրոֆիլով„ նույն „տեղն„ է հավաքում կամ արգելափակում ստախտսներին՝ ստախտսների մոտ, մարդասպաններին՝ մարդասպանների մոտ և այլն: Աստված մարդկանց տեսակավորում է ոչ թե ըստ կատեգորիաների, այլ յուրաքանչյուրին դիտարկում է որպես յուրատեսակ անձ: Մենք կարող ենք ասել, որ ննջեցյալների կարգավիճակը կախված է Հիսուս Քրիստոսի հետ հարաբերությունից և իրենց մեղքի չափից:

## Փրկության առաջարկն այսօր

Այստեղ և անդրշիրիմյան աշխարհում Քրիստոսով փրկությունը ողորմաձություն է, որ տալիս է Աստված, ում ուզում և երբ ուզում է: Նրանց, որոնց նա փրկություն համար է ընտրել, հնարավորություն է տալիս ճանաչելու Ավետարանը: Փրկվելու համար ննջեցյալները, ովքեր ունեն այդ ողորմաձությունը, պետք է որոշեն ընդունել Ավետարանը, հավատալ Հիսուս Քրիստոսին, առաքյալների կողմից նվիրաբերված խորհուրդները ընդունել և Ավետարանին հետևել:



Հասկանանք, որ այն ժամանակը, որը ննջեցյալը անց է կացնում որևէ „ուրտում“, ոչ մի ներգործություն չունի փրկության վրա: Եթե նա երկար ժամանակ „բանտում“, տառապել է, չի նշանակում, որ նա մեխանիկորեն փրկվում է: Որպեսզի Աստծու մոտ գնան, կա միայն մեկ ճանապարհ, այն է՝ Հիսուս Քրիստոսի հանդեպ հավատը: Խորհուրդների ընդունման ընթացքում „Քրիստոսը“, ննջեցյալներին „ազատում է“, այնպես, ինչպես՝ ողջերին է ազատում՝ ուժեր ջրով մկրտվել են և ազատվել ժառանգական մեղքից ու կարող են մոտենալ Աստծուն, ուժեր կնքվել են Սուրբ Հոգով և ստացել են հավիտենական կյանքի խոստումն ու հնարավորությունը որպես առաջնեկ Աստծո արքայություն մտնելու: Սուրբ Հաղորդության արժանապատիվ ընդունումը նրանց համար հնարավոր է դարձնում Քրիստոսի հետ միասնության մեջ լինել և Քրիստոսի պատկերի համաձայն զարգանալ:

Երբ նա նորից գա, ապա Տերը ընտրյալներին, ուժեր Սուրբ Հոգու կողմից իրենց նախապատրաստվել են տվել, այս և անդրշիրիմյան աշխարհից իր հետ է տանելու: Նրանց հոգին և ոգին նոր մարմին են ընդունելու՝ հարության մարմին, որով նրանք գնալու են Աստծո փառահեղություն:

### Փրկության առաջարկը խաղաղության թագավորությունում

Քանի որ Աստված բոլոր մարդկանց փրկությունն է ուզում, իսկ այդ փրկությանը կարող են հասնել միայն Քրիստոսով, ապա նա յուրաքանչյուր մարդու համար հնարավոր է դարձնում ազատ որոշում կայացնել կարողանալը հանուն Քրիստոսի:

Խաղաղության թագավորությունում բոլոր մարդկանց տեղեկացվելու է փրկությունը՝ ինչպես մահացածներին, այնպես էլ ողջերին: Յուրաքանչյուրը հնարավորություն է ստանալու Քրիստոսին հետևել: Այս ժամանակի վերջում չարը հնարավորություն է ունենալու մարդկանց մոլորեցնելու: Դրա համար էլ յուրաքանչյուրը գործի մասին գիտելիքներով լի՝ կարող է և պետք է որոշում կայացնել հանուն կամ ընդդեմ Քրիստոսի:

Վերջին դատաստանի ժամանակ նրանք, ուժեր հետևած կլինեն Քրիստոսին, կգնան նոր արարչագործություն: Մյուսները վերջնականապես կբաժանվեն Աստծուց:

#### Մենք ևս մտածենք՝

- Երբ մարդու ճակատագիրը մահվան ժամանակ վերջնականորեն ամրագրված լինել, մարդկության մեծ մասը Քրիստոսով փրկության հնարավորություն չէր ունենա:
- Այն ուսմունքը, ըստ որի Աստված իր մեծ բարությամբ կարող է մարդկանց փրկել՝ առանց նրանց կողմից Քրիստոսին հավատալու, անհամատեղելի է այն առաջադրանքի հետ, որը Հիսուսը տվել է իր առաքյալներին: Առաքյալները չեն կարող տեղեկացնել այն ուսմունքը, որը հակառակ կլինի Հիսուսի ուսմունքին:
- Հազարամյա խաղաղության թագավորության մասին ուսմունքը հիմնվում է այն համոզման վրա, որ Աստված ցանկանում է բոլոր մարդկանց հնարավորություն տալ փրկվելու՝ Հիսուս Քրիստոսին հավատալու միջոցով:



■ Չկալիքումը՝ TEERAPAT/stock.adobe

# Ինչպես է Աստված պաշտպանում եկեղեցին

Մուրբ Հոգով լցվելուց հետո Պետրոս առաքյալը հանդես է գալիս որպես խոսնակ և մի քարոզ է անում, որն այնպես է ազդում 3000 մարդու վրա, որ նրանք իրենց մկրտել են տալիս: Նա գործում է այն լիազորության հիմքով, որը նրան է վերապահել Հիսուսը:

Մատթեոս 1,18,19-ում մենք կարդում ենք՝ „ Եվ ես քեզ ասում եմ, որ դու վե՛մ ես, և այդ վե՛մի վրա պիտի շինեմ իմ եկեղեցին, ու դժոխքի դռները այն չպիտի հաղթահարեն: Ես քեզ պիտի տամ երկնքի արքայության բանալիները, և ինչ որ մի անգամ կապես երկրի վրա, կապված պիտի լինի երկնքում, և ինչ որ արձակես երկրի վրա, արձակված պիտի լինի երկնքում,„:

## Չավերվող եկեղեցին

Այստեղ Հիսուս Քրիստոսը հայտնում է, որ իր եկեղեցին չի կարող ավերվել՝ չնայած չարի ուժերի հարձակմանը, այն կանգուն է մնալու: Մենք չպետք է անհանգստանանք Քրիստոսի եկեղեցու գոյատևման համար: Ամենագորը հսկում է այն, Քրիստոսը կատարյալ կերպով կատարելու է իր գործը:

Սակայն ուշադրություն դարձնենք, որ այստեղ խոսքը Քրիստոսի եկեղեցու մասին է, և միայն նրա մասին: Հիսուսը չի խոսում եկեղեցու

մասին որպես ինստիտուտի՝ իր կառուցվածքով և որպես միջոցառումների հնարավոր վայր, որոնք գիտենք մեր համայնքներից: Քրիստոսի խոսքը վերաբերում է միայն նրան, ինչը իր եկեղեցու էությունն է կազմում՝ Ավետարանի քարոզը, խորհուրդների նվիրաբերումը, ինչպես և հավատացյալների միասնությունը: Հիսուսն իր առաքյալներին Ավետարանը քարոզելու և խորհուրդները նվիրաբերելու առաջադրանք է տվել: Եկեղեցու հիմնադրման վերաբերյալ խոստումը փոխանցվում է առաքյալներին տրված խոստման հետ՝ „ Եվ ահա ես ձեզ հետ եմ բոլոր օրերում՝ մինչև աշխարհի վախճանը „ /Մատթեոս 28,20բ/:

## Պատասխանատու անձի առաջնայնությունը

Քրիստոսն իր առաքյալներին կապելու և արձակելու լիազորություն է փոխանցել /Մատթեոս 18,18/: Նորառաքելական եկեղեցու դավանաբանության համաձայն /ՆԱԵՂ/ 7,6,2 կետում հետևյալ ձևակերպումը կա՝ „ առաքյալները գլխավոր առաքյալի հետ միասին ներկայացնում են եկեղեցու հոգևոր առաջնորդությունը և որոշում են համայնքային կյանքի կարգն ու կանոնները,„:

Հիսուսի կողմից եկեղեցին ղեկավարելու առաքյալներին վստահված առաջադրանքը պետք է դիտարկվի այն խոստումների լույսի ներքո, որոնք Հիսուս Քրիստոսը եկեղեցու և առաքյալների ծառայության վերաբերյալ է տվել / Մատթեոս 16,18,28,20 բ/: Պետք է ավելի շատ առաջնայնություն տալ այն բանին, ինչը մինչ Հիսուսի գալուստը կարևոր է՝ Ավետարանի տեղեկացումը, խորհուրդների



Չկապումը՝ VectorMine/stock.adobe



նվիրաբերումը և միայնց հետ միասնությունը: Այդ առաջնությունները պետք է արտացոլվեն անձնական և ֆինանսական ռեսուրսների կիրառման վերաբերյալ որոշումներում:

### Վեմը որպես օրինակ

Հիսուսը մի շատ որոշիչ ժամանակ Պետրոսին որպես վեմ է նկարագրում, հատկապես այս խոստովանությունից հետո՝ „Դու ես Քրիստոսը՝ կենդանի Աստծո Որդին, / Մատթեոս 16,16/: Ավելի ուշ Հիսուսը Պետրոսին վստահում է իր եղբայրներին ուժեղացնելու առաջադրանքը / Ղուկաս 22,32/: Իր հարությունից հետո Հիսուս Քրիստոսը հարցնում է Պետրոսին՝ „Դու սիրո՞ւմ ես ինձ,,: Միայն այն բանից հետո, երբ Տերը համոզվում է Պետրոսի սիրո մեջ, նրան է վստահում իր հոտը / Հովհաննես 21, 15-17/:

Նրանով, որ Հիսուսը Պետրոսին համեմատում է վեմի հետ, ով ունակ է չարի ուժերին ընդդիմանալու, Պետրոսին դարձնում է օրինակ: Ոչինչ չի կարող մեզ բաժանել Քրիստոսից,

- եթե մենք Պետրոսի նման ամուր հավատ ունենաք Հիսուս Քրիստոսի՝ կենդանի Աստծո Որդու հանդեպ:
- Ողջախոհ լինենք և գիտակցենք, որ փրկության համար շնորհակալ ենք լինելու Հիսուսին,:
- իսկապես լցված լինենք Քրիստոսի սիրով:

### Պետրոսի ծառայությունը

Մատթեոսի 16,18-ը վերաբերում է Պետրոսի ծառայությանը, այսինքն վեմի պաշտոնին՝ „Դրանով Աստծո Որդու կողմից ստեղծված է անբակտերի կապ վեմի պաշտոնի և նրա եկեղեցու միջև: Ժայռի պաշտոնը և Քրիստոսի եկեղեցին տրված են Հիսուս Քրիստոսով մարդկանց փրկության համար/ՆԱԵԴ 7,6,6/: Հիսուս Քրիստոս խոստացել է հսկել իր եկեղեցին և իր առաքյալներին: Պետրոսի ծառայության հիմնումը մասն է այն միջոցառումների, որոնք Հիսուսն է իրականացնում, որպեսզի իր եկեղեցին չար ուժերից պաշտպանի:

„ Այն ծառայությունն ու առաջադրանքները, որոնք Տերը տվել է Պետրոս առաքյալին, այսօր

կատարվում են գլխավոր առաքյալի կողմից: Նա գործում է առաքյալների Տիրոջ կողմից առաջարկվող միասնության համար / Հովհաննես 17,20-203/ նրանով, որ նա իր եղբայրներին, առաքյալներին ուժեղացնում է / Ղուկաս 22,23/: Նա հովվում է Քրիստոսի հոտի „ գառներին և ոչխարներին, / Հովհաննես 21, 15-17/: Գլխավոր առաքյալի ծառայությունը դրսևորվում է ուսմունքի անադարտ պահպանմամբ, նոր գիտելիքների, ինչպես նաև հավատի վկայությունների միասնական ձեռքբերումների տարածմամբ ու շարունակական զարգացմամբ: Գլխավոր առաքյալը հաստատում է նաև եկեղեցու կարգավորումը: Այս առաջադրանքները հանդիսանում են գլխավոր առաքյալի պաշտոնի „ գործության բանալին, / ՆԱԵԴ 7,6,6 /:

Երուսաղեմում առաքյալների ժողովին Պետրոսը պահպանում է եկեղեցու միասնությունը նրանով, որ նա նրանց, ովքեր ղեկավարում են եկեղեցին, հորդորում է կենտրոնանալ էականի վրա / Գործք առաքելոց 15, 6-11/: Այսօրվա ժամանակներում գլխավոր առաքյալը հոգում է, որ առաքյալները և նրանց կողմից ղեկավարվող տարածաշրջանային եկեղեցիները, չնայած իրենց տարբեր մշակույթներին և ավանդույթներին, միասնական մնան: Նա դա անում է նրանով, որ նա գլխավոր է համարում այն, ինչն իսկապես անհրաժեշտ է փրկության համար:

Գլխավոր առաքյալը պետք է հովվի նաև Քրիստոսի հոտը նրանով, որ գործի ինչպես բարի հովիվ: Նա պետք է հոգա հատկապես այն բանի համար, որ Քրիստոսի բոլոր ոչխարները տիրապետեն այն ամենին, ինչն անհրաժեշտ է իրենց փրկության համար: Դրան հասնելու համար նա նպաստում է եկեղեցու ներսում տարբեր ոլորտների միջև համերաշխությանը:

Ինչպես մենք գիտենք, Պետրոսն ամեն ինչ էր, բայց, ոչ կատարյալ: Բայց Պետրոսի թուլությունները Քրիստոսին հեռու չեն պահում իր եկեղեցին նրա միջոցով օրհնելուց: Մենք կարող ենք վստահ լինել, որ Հիսուս Քրիստոսը՝ չնայած իր սպասավորների ոչ կատարյալ լինելուն, իր գործը առաջնորդելու է դեպի կատարելություն:

/ Գլխավոր առաքյալի շրջաբերականից/

Խմբագրական  
Հրատարակիչ՝ Ժան-Լյուք Շնայդեր, Իուբերլանդսշթրասսե 243, 8051 Յյուրիխ/Շվեյցարիա  
Ֆրիդրիշ Բիշոֆֆ հրատարակչություն, Ֆրանկֆուրտյան փողոց 233, 63263 Նոյ-Իզենբուրգ/ Գերմանիա  
Խմբագիր՝ Սիմոն Հայնիգեր



# Տեղեկատու

- 13.10.2024 Սան Ֆրանցիսկո(ԱՄՆ)
- 20.10.2024 Գլազգո (Մեծ Բրիտանիա)
- 03.11.2024 Փնոմ Փեն(Կամբոջա)
- 05.11.2024 Սլեմ Ռիփ (Կամբոջա)
- 17.11.2024 Կոնակրի (Գանա)
- 22.11.2024 Աքրա (Գանա)
- 08.12.2024 Քալիջթադթ (Հարավային Աֆրիկա)
- 15.12.2024 Օմսկ(Ռուսաստան)
- 22.12.2024 Բադ Քաննջթադթ(Գերմանիա)
- 25.12.2024 դեռ հաստատված չէ(Ֆրանսիա)
- 29.12.2024 Աախեն(Գերմանիա)

New Apostolic Church  
International

